



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 412
fax. +387 33 726 414
e – mail: info@voda.ba

Broj: **UP-I/21-2-40-473-4/21**

Datum: **08.11.2021. god.**

«Agencija za vodno područje rijeke Save» Sarajevo rješavajući po zahtjevu «Agencije za vodno područje rijeke Save» Sarajevo podnesenom putem „Sektora za realizaciju investicionih projekata“, za izdavanje vodne saglasnosti za aktivnost čišćenja i sanacije prirodnog korita rijeke Tinje, na području MZ Špionica, Grad Srebrenik, na osnovu člana 114., a u vezi sa članom 109. stav (1) tačka 14. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH», broj 2/98 i 49/99), **d o n o s i**

R J E Š E N J E **o vodnoj saglasnosti**

1. Investitoru, «Agenciji za vodno područje rijeke Save» Sarajevo daje se vodna saglasnost za čišćenje i sanacije korita rijeke Tinje, na potezu od mosta u Centru Špionica i nizvodno, u dužini od cca 500m', Grad Srebrenik, po dijelu projektne dokumentacije pod nazivom:
„Elaborat - Obezbjeđenje proticajnog profila rijeke Tinje u mjesnom području Bare, Špionica, Ormanica i Tinja Donja, općina Srebrenik“, urađena od strane „IBIS“ d.o.o. Zavidovići, august 2018. godine.
2. Vodna saglasnost se donosi na osnovu pregleda projektne dokumentacije iz tačke 1. dispozitiva ovog Rješenja, koja se ovjerena vraća podnosiocu zahtjeva na trajno čuvanje i čini sastavni dio ovog Rješenja, a ista će se koristiti u postupku pribavljanja odobrenja za građenje.
3. Dostavljena projektna dokumentacija je urađena u skladu sa osnovnim uslovima iz Rješenja o prethodnoj vodnoj saglasnosti broj: UP-I/25-1-40-498-3/18 od 08.10.2018. godine. Vodna saglasnost se donosi na temelju dostavljene projektne dokumentacije pod sljedećim uslovima:
 - 3.1. Radove na čišćenju korita rijeke Tinje vršiti u skladu sa ovjerenom projektnom dokumentacijom iz tačke 1. ovog Rješenja, tj. na način utvrđen u opisu tehničkog rješenja iz navedene projektne dokumentacije.
 - 3.2. Prije početka radova potrebno je obnoviti oznake poprečnih profila koje moraju biti jasno vidljive i rukovaocu mehanizacije koja će se koristiti, a i u cilju lakše kontrole izvršenih radova. Dionice na kojima se vrši čišćenje korita obavezno iskolčiti i iskolčavanje održavati tokom vršenja svih radova.
 - 3.3. Korisnik je dužan da uredno vodi dnevnik rada sa tačno definisanim lokalitetima iskopa, dubini iskopa, dnevno izvađenim količinama materijala i svim ostalim podacima koji se uobičajeno vode kod ovakve vrste radova.
 - 3.4. Tačke početnog snimanja održavati u ispravnom stanju sve do izrade završnog elaborata i konačnog obračuna bilansa zemljanih radova, a za što je odgovoran izvođač radova i nadzorni organ imenovan od strane Investitora.
 - 3.5. Nosilac prava iz vodne saglasnosti dužan je u saradnji sa izvođačima radova i nadzornim organom prije početka radova riješiti način uklapanja (prelazne dionice) nivelete korita na početnim i krajnjim profilima (P1 i P19) predmetne dionice (uklapanje u prirodno korito uzvodno i nizvodno od predmetne dionice: „nizvodno od mosta u Špionici Centar“).
 - 3.6. Investitor (korisnik vodne saglasnosti) je u obavezi da angažuje stručno lice sa osnovnim zadatkom kontinuiranog nadzora (praćenja i kontrole) nad provođenjem planiranih aktivnosti na terenu u skladu sa ovjerenim Elaboratom i uslovima iz ovog rješenja.
 - 3.7. Prilikom izvođenja radova treba koristiti opremu i mašine koje su tehnički ispravne, bez curenja tečnih goriva, maziva, hidrauličkih ulja i sl.
 - 3.8. Predvidjeti da se sav nastali otpad prikuplja i zbrinjava izvan površina obuhvaćenih uticajem velikih voda, a u skladu sa važećim propisima o postupanju sa otpadom.
 - 3.9. Nakon završetka radova neophodno je radni pojas koji uključuje korito, inundacioni pojas i obale rijeke urediti i očistiti od gradilišnih objekata, mehanizacije i gradilišnog otpada.

- 3.10. Planom organizacije gradilišta koje će se formirati u funkciji provođenja navedenih radova, treba osigurati da mjesta za smještaj građevinske mehanizacije, tečnih goriva i maziva budu locirana izvan nivoa velikih voda i na takvoj udaljenosti da ne mogu imati negativan uticaj na vodotok.
- 3.11. Ukoliko se cisterne i rezervoari s gorivom planiraju postaviti na gradilištu, iste je potrebno postaviti u prihvatne posude ili izvesti s dvostrukom stjenkom prema posebnim propisima i izvan zone uticaja na površinske i podzemne vode.
- 3.12. Sve eventualne kolizije sa postojećim infrastrukturnim objektima (instalacijama vodovoda i kanalizacije, elektro i sl.), na lokalitetu na kojem će se vršiti radovi, ukoliko do takvih situacija tokom izvođenja radova dođe, prethodno će se rješavati uz saglasnost mjesno nadležnog operatera koji upravlja tim objektima i instalacijama i isti će dati tehničke uslove za izvođenje ovih radova.
- 3.13. Višak materijala iz iskopa koji će se pojaviti prilikom izvođenja zemljanih radova, a koji ne bude iskorišten za radove na uređenju korita rijeke Tinje, potrebno je odložiti na deponiju izvan vodnog dobra, a sve u skladu sa uputama nadzora i korisnika ove vodne saglasnosti.
4. Korisnik vodne saglasnosti je u suradnji sa nadležnim službama grada Srebrenika dužan da prije početka izvođenja radova riješi imovinsko pravne odnose na lokalitetu izvođenja radova, na mjestu formiranja privremenih gradilišta, pristupnim putevima i deponijama za odlaganje viška izvađenog materijala.
5. Ukoliko se izvođenjem radova na čišćenju korita rijeke Tinje na predmetnoj dionici ili drugim aktivnostima vezanim za predmetne radove prouzrokuju štete i naruši stabilnost korita i obala vodotoka ili nanese šteta trećim licima, podnosilac zahtjeva je obavezan uzroke nastanka štetnih promjena otkloniti, a nastale štete nadoknaditi.
6. U slučaju vanrednih situacija, havarijskih onečišćenja i drugih sličnih okolnosti koje bi nastupile u toku izvođenja radova i ugrozile kvalitet voda, obavezno izvijestiti nadležne organe i postupati po nalogu mjerodavnih institucija, te preduzimati hitne mjere i aktivnosti na sprečavanju širenja onečišćenja i na otklanjanju uzroka onečišćenja.
7. Investitor (korisnik vodne saglasnosti) ostaje u obavezi, kada period izvođenja radova bude tačno preciziran, da najmanje sedam dana ranije obavijesti udruženje sportskih ribolovaca „Zeba“ Srebrenik, koje je korisnik ribolovnog prava na ovom ribolovnom području, o početku izvođenja radova u koritu rijeke Tinje na predmetnoj dionici.
8. U periodu važenja ovog rješenja, izvođač radova je dužan provoditi sve mjere i aktivnosti propisane u dispozitivu ovog rješenja kao i uslove propisane od strane drugih nadležnih organa ukoliko isti nisu u suprotnosti sa uslovima iz ovog rješenja.
9. Vodna saglasnost prestaje da važi istekom roka od dvije godine od dana njene pravosnažnosti ukoliko do tog dana nije pribavljeno odobrenje za izvođenje predmetnih radova od strane nadležnog organa i započeti radovi.
10. Ovo rješenje o vodnoj saglasnosti može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

O b r a z l o ž e n j e

Investitor, «Agencija za vodno područje rijeke Save» Sarajevo putem "Sektora za realizaciju investicionih projekata" Agencije, je podnio zahtjev dana 08.10.2021. godine za izdavanje vodne saglasnosti za čišćenje i sanaciju prirodnog korita rijeke Tinje, na potezu od mosta u Centru Špionica i nizvodno, u dužini od cca 500m', Grad Srebrenik, po dijelu projektne dokumentacije pod nazivom: „*Elaborat - Obezbjeđenje proticajnog profila rijeke Tinje u mjesnom području Bare, Špionica, Ormanica i Tinja Donja, općina Srebrenik*“, urađena od strane „IBIS“ d.o.o. Zavidovići, august 2018. godine.

Uz zahtjev za izdavanje vodne saglasnosti dostavljena je slijedeća dokumentacija:

- Kopija Aktuelnog izvoda iz sudskog registra Općinskog suda u Sarajevu, broj: 065-0-RegZ-14-002716 od 21.04.2014. godine izdato od strane Općinskog suda u Sarajevu,
- Kopija obavještenja o razvrstavanju pravnog lica prema klasifikaciji djelatnosti, broj: 07-32.5-45391/12 od 11.12.2012. godine,
- Kopija uvjerenja o poreznoj registraciji, Porezna uprava FBiH - Kantonalni porezni ured Sarajevo, od 14.12.2012. godine,

- Rješenja o urbanističkoj saglasnosti (izmjena) broj: 08-19-1-3133-1/21 od 26.10.2021. godine za planirane radove na sanaciji i čišćenju korita rijeke Tinje na potezu od mosta u Centru Špionica i nizvodno u dužini cca 500 m, izdato od strane Službe za prostorno uređenje i zaštitu okolice, Općine Srebrenik,
- Saglasnost USR „Zeba“, broj: 01/2021 od 22.09.2021. godine,
- Izjava gradonačelnika grada Srebrenika, broj: 07-1038/21 od 07.10.2021. godine, da su riješeni imovinsko pravni odnosi,
- „Elaborat - Obezbjedenje proticajnog profila rijeke Tinje u mjesnom području Bare, Špionica, Ormanica i Tinja Donja, općina Srebrenik“, urađena od strane „IBIS“ d.o.o. Zavidovići, august 2018. godine.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev nisu dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari i zatražio dopunu podneska u skladu s članom 8. Pravilnika o sadržaju, obliku, uvjetima, načinu izdavanja i čuvanja vodnih akata („Službene novine Federacije BiH“, broj 31/15, 55/19 i 41/20). U ostavljenom roku je dostavljena tražena dokumentacija.

Na osnovu priložene dokumentacije i Elaborata, izrađenog po uvjetima datim ranije izdatom prethodnom vodnom saglasnošću, kao nesporno je ustanovljeno da na predmetnoj dionici rijeke postoje naplavine, promjene trase vodotoka te erozije obala i dna kao i obrastanje korita šibljem i drvećem, a što se odražava na režim voda na vodotoku.

Priloženi Elaborat sadrži:

- geodetski snimak predmetnog lokaliteta na kojem se planiraju radovi čišćenja korita;
- situaciju MJ 1:1000, uzdužne i poprečne profile na lokacijama gdje je potrebno čišćenje korita;
- geometrijske karakteristike korita (širina, dubina, osovina i sl.), prezentirane su na poprečnim profilima.

U provedenom dokaznom postupku koji je prethodio donošenju ovog rješenja utvrđeno je:

- Investitor je za potrebe izrade projektne dokumentacije za predmetno čišćenje i sanaciju korita rijeke Tinje angažirao projektnu kuću „Ibis“ d.o.o. Zavidovići, koja je uradila Elaborat: „Obezbjedenje proticajnog profila rijeke Tinje u mjesnom području Bare, Špionica, Ormanica i Tinja Donja, općina Srebrenik“, august 2018. godine. Navedena projektna kuća posjeduje ovlaštenja za izradu projektne dokumentacije prema Pravilniku o uvjetima i kriterijima koje mora ispunjavati pravno lice za izradu dokumentacije na osnovu koje se izdaju vodni akti („Službene novine Federacije BiH“, broj 17/08 i 38/12);
- Da je od strane ove Agencije, rješenjem broj UP-I/25-1-40-498-3/18 od 08.10.2018. godine, izdata prethodna voda saglasnost u kojoj su propisani uslovi koje je projektant prilikom izrade projektne dokumentacije uvažio i u istoj priložio opise i nacрте uobičajene za ovaj nivo projektne dokumentacije:
 - Preglednu i detaljnu situaciju projektnog rješenja za planirane radove čišćenja i sanacije korita rijeke Tinje, razmjere 1:25000 i 1: 1000, sa pozicijom planiranih radova čišćenja i sanacije korita. U projektnoj dokumentaciji je priložen uzdužni profil u razmjeri 1:100/1000 i poprečni profili u razmjeri 1:100;
 - U sklopu Elaborata, koji je usvojen od strane Sektora za realizaciju investicionih projekata, obrađeno je rješenje čišćenja i sanacije korita rijeke Tinje na dionici „nizvodno od mosta u Špionici Centar“, u ukupnoj dužini cca 500m, prema datom normalnom profilu. Rang zaštite od velikih voda nije definiran i cilj ovih zahvata je smanjenje opasnosti od poplava okolnog područja.

Na osnovu priložene tehničke dokumentacije utvrđeno je da se u svrhu poboljšanja hidromorfološkog stanja vodotoka, dinamike prirodnog procesa tečenja i smanjenja opasnosti od nastanka šteta od poplava, na osnovu člana 109. stav (1) tačka 14., a u vezi sa članom 114. Zakona o vodama i članom 17., stav (1), tačka 13. Pravilnika o sadržaju, obliku, uvjetima, načinu izdavanja i čuvanja vodnih akata («Službene novine Federacije BiH» broj 31/15, 55/19 i 41/20), valjalo riješiti kao u dispozitivu ovog rješenja.

UPUTA O PRAVNOM LIJEKU:

Protiv ovog rješenja može se uložiti žalba Federalnom ministarstvu poljoprivrede, vodoprivrede i šumarstva, putem ove Agencije, u roku od 15 dana od dana prijema rješenja.

Žalba se podnosi neposredno pismeno ili preporučeno putem pošte ovom organu i taksira se sa 15,0 KM administrativne takse, prema tarifnom broju 3. Tarife Federalnih administrativnih.

Voditelj postupka:

Nihad Pezo, dipl.inž.građ.

Prilog: Ovjeren dio dokumentacije pod nazivom: Elaborat – „Obezbjedenje proticajnog profila rijeke Tinje u mjesnom području Bare, Špionica, Ormanica i Tinja Donja, općina Srebrenik“, urađena od strane „IBIS“ d.o.o. Zavidovići, avgust 2018. godine.

**Po ovlaštenju
Rukovodilac sektora za izdavanje
vodnih akata**


Haris Ališehović, dipl.inž.građ.

Dostaviti:

- «Agencija za vodno područje rijeke Save», Sektor 30 (Prilog)
- ⊙ AVP Sava, ISV – Vodna knjiga
- Sektor 40, arhiva
- oglasna ploča AVP – Sava